

貴州文庫編輯出版委員會

大定府志

第一五冊

貴州出版集團

貴州人民出版社




貴州文庫編輯出版委員會

大定府志

第一五冊

貴州出版集團

貴州人民出版社



大定府志卷之二十九

氏學元

知大定府事鄱陽王允浩原本

知大定府事河曲黃宅中重輯

職官傳第二之六 惠人志八

總部傳上第八之下

田雯

于準

劉蔭樞

黃國材

沈翼機

毛文銓

鄂爾泰

張廣泗

定長

宮兆麟

李湖

裴宗錫

鄭大進

胡達源

賀長齡

田雯字山章德州人康熙三年進士六年考授秘書院中書舍人十一年充順天鄉試同考官遷戶部主事就進員外郎升工部郎中十九年提督江南學政二十三年出爲湖北督糧道內擢爲光祿寺少卿鴻臚寺卿二十六年巡撫江蘇改貴州十月上疏言貴州兵米出自秋糧威寧大定黎平思南銅仁諸府距省遠者千里近亦五六百里輒兵多米少每於開州修文等州縣撥支黔山峻險運費倍於正供單寒惇獨之民輸將莫繼請令開州修文等州縣皆折銀納庫聽兵領銀購米庶兵民兩便部議不準總督范承勳提督馬三奇復以爲言

部議始從之貴州餘米變價之例實起於此吳逆之亂
平溪清浪二衛學生改應湖廣鄉試事平遂仍之弗改
貴筑大定平越都勻鎮遠安化龍泉銅仁永從九縣永
寧獨山麻哈三州均未設專學烏撒赤水新添鎮西興
隆五衛新裁學額亦草芟在貴州獎學興教留所自購
書近萬卷於書院如通志經解諸大部書多在其中士
子罔不欣悅至是又以三事上訴芟亦爲之奏請部議
弗盡從也而平溪清浪之應鄉試於貴州貴筑之有學
額實昉乎是二十八年又與總督范承勳合疏建甕安
學議貴州民得蓄鳥鎗皆施行又奉

命與兵部郎中溫會保雲貴總督范承勳雲南巡撫王繼文共
定會理州目把阿所之亂三十年七月丁內艱去職服
闋補刑部右侍郎尋轉左三十六年充會試副考官事
畢充殿試讀卷官歷戶部右侍郎轉左四十年以病乞
休四十三年卒年七十

賜祭葬如例著有黔書二卷

出國史貴州通志貴陽府志

于準山西永寧州人兩江總督于成龍孫也以廕生除
臨清知州治行卓異升刑部員外郎戶部郎中出爲江
南鹽驛道調直隸總理錢穀道升浙江按察使丁父憂
去職服闋授四川布政使康熙四十三年五月擢貴州

巡撫七月與偏沅巡撫韓世琦討平黎靖賊黃明吳旦
先是貴州以秋糧供兵米所在州縣或兵多糧少或糧
多兵少其不敷者則撥有餘之州縣運供靡有定程準
始請鎮營各派定近鄰州縣供給勒爲成規疏入施行
又請增諸學教官於是威寧及貴陽安順平越都勻鎮
遠思州思南石阡銅仁黎平十一府咸增訓導一員大
定黔西平遠及定番廣順開州普安鎮寧黃平九州平
溪清浪二衛咸增訓導一員畢節永寧及貴筑龍里貴
定修文普安安南安平清鎮甕安湄潭清平施秉印江
婺川餘慶十七縣咸增教諭一員四十四年請展貴州

徵糧限期得至來年三月部議不允

上令再議竟如所請先是土人雖有生員不準鄉試又禁土人任流官不知始於何時土官族屬吳應詔等七十一人皆補州縣土學生前巡撫閻興邦又申奏不許鄉試準以爲過言于

朝并及增設學官吏部議土人不爲流官相沿已久不準惟增永寧麻哈獨山三州訓導各一員普定平越都勻安化龍泉銅仁永從鎮遠八縣教諭各一員而令訓導教習土苗子弟令其一體送學臣考試漢人不許阻考又言威寧大定平遠黔西畢節及平越思南安籠都勻

鎮遠黎平銅仁諸設鎮營之地皆無儲積威寧大定兩鎮均歲需兵米五千四百石平遠黔西兩協均歲需兵米三千九百六十石畢赤營歲需兵米二千一百六十石他鎮營稱是倘遇旱澇何以接濟貴陽每歲自有餘米約三千七百餘石而諸府餘米類解貴陽每歲約萬餘石是則貴陽之米陳陳相因至於紅腐而諸衝要建鎮協立營之城皆空虛無蓋藏宜令諸城各貯米足支一歲以備不虞運脚咸令官備不許派民所貯米仍令推陳納新每年搭放三分之一又令通省官役量指俸工銀助諸城建倉於事爲便格於部議不允其年十一

月調江蘇巡撫四十四年以事革職雍正三年復官家

居九年卒

出國史
貴陽府志

劉蔭樞陝西韓城人康熙十五年進士除蘭縣知縣行
取吏科給事中以母憂去職服闋補刑科給事中歷吏
科出爲贛南道四十年署江西按察使以事斥爲民

上西巡

召見於潼關起爲雲南按察使遷廣西布政使總督貝

和諾奏留改爲雲南布政使四十七年二月擢貴州巡
撫建言教官升革不必具題但咨部歲終彙奏從之五
十年二月請增貴州鄉試中額革石阡廬山二長官以
其地歸流官管轄明年又革丹行長官後又奏裁偏橋

驛丞以其職事歸施秉知縣請設南籠學草西堡長官
事皆施行烏蒙土知府祿鼎乾與威寧土目祿世華爭
稻田埧地鼎乾掠世華人畜世華訴於四川貴州二巡
撫四川巡撫年羹堯遣官往勘鼎乾不出羹堯欲勦之
蔭樞持不可事聞

上命都統阿爾納副都統吳坤侍郎噶圖會雲貴總督蔣陳錫
及蔭樞羹堯至畢節勘鼎乾鼎乾懼大討乃出聽勘請
釋仇和解歸所掠及侵地於世華事乃已時準噶爾擾
哈密

上命發兵往討蔭樞兩疏請緩師以重內治輕遠畧爲言

上以蔭樞信聽譌言妄行具奏令馳驛至哈密周閤再詳議具
奏蔭樞至哈密具疏謝罪遂以病請回籍調治

上降旨薄謫令回貴州五十六年九月解任追論妄奏阻兵罪
坐絞

宥往喀爾喀種樹五十八年九月自喀爾喀召還復爲貴州巡
撫六十一年以年已八十

召赴千叟宴雍正元年乞休

賜金遣之尋卒年八十七

出 國史貴州
通志貴陽府志

黃國材奉天人後隸漢軍正白旗籍以監生考補內閣
中書歷都察院都事累遷出爲漢陽知府升雷瓊道擢

廣東按察使廣西布政使康熙五十六年十一月擢貴州巡撫明年正月始履任爲人不拘小廉而好爲人憚爲之事鎮遠至常德緯道七八百里多崩陁舟行者甚苦之國材倡率雲貴二省文武各輸白金召工雇夫鑿崖槌箐以成之又修貴陽城及演武廳製衣四千襲給其標兵鎮營貯穀之議發自于準格于部議而中止國材捐穀萬石分駐威寧大定安籠諸鎮置弓矢旗職分給各營奏草大華長官五十八年正月入

覲卒

以受屬員餽送銀萬五千兩充公用爲總督蔣陳錫所劾解任降授鴻臚寺卿逾月又擢福建巡撫雍正四年

署漢軍正藍旗都統協理兵部侍郎授漢軍正黃旗都
統歷署兵刑二部尙書授工部尙書七年四月以子焜
有罪革職九年十一月卒於家

出 國史貴州
通志 貴陽府志

沈翼機字西園海寧人康熙四十五年進士改庶吉士
授編修五十七年出督貴州學政以扶植名教爲已任
凡忠義節孝之人罔不極力表揚試威寧時與士子講
濂洛關閩之學爲之削墨引繩使悉歸於渠則臨試時
嚴絕弊竇廣拔孤寒士子有一字之當一句之美類爲
標贊不絕於口知府及屬州縣長吏供應薪米務從減
儉士人愛戴爲之立碑

出李可軾校
士實政碑

毛文銓奉天人後隸漢軍雍正二年官貴州巡撫與總督高其倬提督趙坤討平廣順狎苗得優敘貴州他界華離或懸隔於數百里之外又與廣湖川雲鄰省犬牙且其中又多有生苗甌脫之地易容隱爲姦

世宗稔知其弊三年三月

諭文銓曰兩省交壤之地界址多不清而川廣雲貴尤甚貴州一省之內州縣地界亦多不清命盜重案則互相推諉礦廠鹽茶則互相爭競非息事寧民之道其委賢員勘定土地人民皆爲朕有無容分視文銓雖奉

諭旨惟於鄰省犬牙之地割正一二而華離之地如故也四月

詔文鉉豫籌撫苗之策加貴州文官養廉始以官莊歸正供而貴陽鎮遠安順普安權稅黔西威寧大定畢節思南馬牛銅鹽及落地諸稅羨餘亦皆解布政司庫以爲養廉之用俄而文鉉以調福建巡撫去貴州

出貴陽府志

鄂爾泰字毅齋滿洲鑲藍旗人姓西林覺羅氏世居汪欽父鄂泰國子祭酒祖圖彥騎都尉戶部郎中曾祖圖們騎都尉鄂爾泰以舉人襲佐領授三等侍衛遷內務府員外郎充雲南鄉試副考官超擢江蘇布政使進廣西巡撫雍正三年署雲貴總督與署貴州巡撫石禮哈貴州提督馬會伯討平長寨仲苗阿草阿紀阿勞阿島

加三級遂實授因陳善後十一事於是設長寨廳及營
尋上疏論上官營務開廠濬河諸事又疏請立土官考
成編保甲分別文武官及土官緝盜章程後咸以次施
行五年三月與貴州提督楊天縱會湖廣總督邁桂討
平黎平諺沖花苗會侍郎李紱廣西巡撫韓良輔於安
籠議勦泗城泗城土知州岑震映震懼乞改土歸流乃
草映震官安置浙江於是分廣貴二省以紅水江爲界
始設永豐知州冊亨州同羅斛州判又遣參將哈元生
討定烏蒙十月至貴陽遣黎平知府張廣泗副將李登
科經理古州生苗相機招撫十一月與提督楊天縱招